



oPublicaziuns dalla vischnaunca, jamna 35

Damonda da baghegiar

2014-1038.000

Datum dalla publicaziun: 29 d'uoost 2014

Il patrun: Societad da baghegiar Center dil Vitg, Via da Scola 18, 7180 Disentis/Mustér
Il representant: aluis huonder architect fh sia sa, Via da Scola 18, 7180 Disentis/Mustér

Object: Spazzar il baghetg nr. 82 sin parcella 710 ed ils baghetgs nr. 78 e nr. 78-A sin parcella 719, construir ina casa da fatschenta e da habitar sin la parcella nova 3855, Via Lucmagn 7, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 25 d'uoost 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014-1020.000

Heinrich Riedi, Pardomat 6, 7180 Disentis/Mustér; construcziun d'ina remisa, parcella 350, Pardomat 6, 7180 Disentis/Mustér.

Disentis/Mustér, ils 29 d'uoost 2014

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2014 – 2086.000

Dieter Riklin, Freistrasse 21, 8032 Turitg, e Kathy Riklin, Schipfe 45, 8001 Turitg, stabiliment fotovoltaic sin l'ala-tetg enviers vest, casa sin parcella 561, Via Funs-Dado 5, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 26 d'uoost 2014

Uffeci da baghegiar Disentis/Mustér



Purschida gratuita

La vischnaunca da Mustér porscha era uonn a ses habitonts la pusseivladad da visitar gratuita-mein la Casa da traffic a Lucerna, www.verkehrshaus.ch. Al spurtegl dall'administraziun communal sa per *mintga di* digl onn vegnir retratg *5 entradas gratuitas*. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film Imax per in prezi reduciu
- 10% rabat sin biars artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: admin@disentis.ch).

Administraziun communal

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Ils proprietaris da terren ein supplicai da tener tagliau anavos las caglias per cheutras prevegnir a donns vid vehichels e viandonts/pedunzs. En cass che las caglias e plontas vegnan buca tagliadas anavos, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, uost 2014
Uffeci da baghegiar Disentis/Mustér

Santeri Sogn Gions Mustér – Sclamada da fossas

Per saver realisar la fossa comunabla en santeri da Sogn Gions vegnan las fossas sisum santeri, las quallas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas 20 onns.

Las suandontas fossas en santeri Sogn Gions vegnan sliadas si:

- Beer Maria
- Lutz-Giger Maria Luisa
- Petschen-Andriuet Margreta e Gion
- Flepp-Manetsch Rosa
- Dermon-Werth Anton
- Hosang Giuseppa
- Ciura Marek
- Maissen-Berther Maria Lucia
- Giger-Sialm Damian
- Monn-Steger Monica
- Desax Leci

Nus supplichein ils vegnetsuenter resp. talas personas ch'ein responsablas per las fossas d'allontanar cruschs, monuments e fluras entochen ils **15 da november 2014** ni d'informar igl uffeci da baghegiar co igl ei da proceder. Las ramas dallas fossas vegnan demontadas entras la vischnaunca, medemamein tuttas cruschs e monuments ch'ei buca vegni allontanai entochen ils 15 da november 2014.



Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.

Uffeci da baghegiar Disentis/Mustér

Manteniment da vias e sendas

La vischnaunca da Mustér s'adressa als vischins e vischinas ed uniuns interessadas da segidar vid il manteniment da sendas e vias da cultivaziun (vias forestalas e vias funsilas). Sil territori dalla vischnaunca da Mustér sesanfla ina reit da sendas marcadadas e signalisadas da ca. 160 km. La reit da vias da cultivaziun ei medemamein dètg liunga e pretenda la duida atenziun.

Nus envidein tuttas e tuts interessai d'annunziar lur interess pil manteniment da sendas e vias funsilas. L'indemnisaziun vegn fixada en fuorma d'ina pauschala annuala a norma d'in sempel carnet da duers e d'in temps d'engaschi fixau. Lavurs supplementaras stuessen vegnir coordinadas cul menaschi tecnic.

Interessents ch'eiin prompts da surprender la respon - sabladad pil manteniment d'ina senda ni d'ina via da cultivaziun ein supplicai d'annunziar lur interess entochen venderdis, ils **31 d'october 2014**. Las annunzias han da succeder a scret.

Per ulteriur sclariment stattan il menader digl uffeci da baghegiar ni il forester communal bugen a Vossa disposiziun.

Disentis/Mustér, ils 18 d'uost 2014
Suprastonza communal Disentis/Mustér

Dis europeics dil monument 2014

La sonda, ils **13 da settember 2014** ha liug a Mustér ils 21avels dis europeics dil monument 2014. Igl uffeci da cultura dil Grischun (tgira da monuments e survetsch archeologic) ha preparau in vast program per quella occurrenza.

L'occurrenza ei publica, personas interessadas san s'annunziar tier la tgira da monuments dil cantun Grischun:marlene.fasciati@dpg.gr.ch

Il program vegn publicaus en casa communal.

Administraziun communal Disentis/Mustér

Cussegl da vischnaunca

Credit per realisaziun sutpassadi Chischliun

Il cussegl da vischnaunca ha avon la tractaziun dalla fatschenta priu investa dil plazzal dall'Ovra Russein a Barcuns ed a Madernal e silsuenter eis el vegnius informaus davart cumpatenta entras ina collaboratura dall'Axpo Hydro Surselva. Il project preveda ina modernisaziun ils indrezs ed in augment dalla capaciad dil lag da Barcuns. Ils cuosts d'investiziun occuoran a 70 miu. francs. Ina considerabla cumpart dallas investiziuns vegnan exequidas entras interpresas ord la regiun.

Suenter ch'il project en emprema prioritad «renaturalisaziun dil dutg atras il vitg da Surrein» ei vegnius snegaus dil suveran, ha la suprastonza communal da Mustér schau elaborar il project en secunda prioritad «mesiras da recumpensaziun a Fontanivas». Cheutras vegn renaturalisau in grond spazi (plaz da lenna) e realisau ina nova punt sur il Rein. Dils cuosts totals da frs. 1 843 000.– obtegnan ins frs. 1 618 000.– sco recumpensaziun ecologica dall'Ovra Russein e



frs. 125 000.– ord interessenza forestala. Aschia restan frs. 100 000.– sco cumpart dalla vischnaunca. La suprastonza communal ha informau detagliadamein il cussegl da vischnaunca, il qual ha priu positivamein enconuschientscha dil project.

En sia seduta dils 22 d'ost 2014 ha il cussegl da vischnaunca sut il tgamun da Flavio Murer pli- navon tractau la damonda per in credit per l'erecziun d'in sutpassadi a Chischliun-Scaletta. La Viafier federala e las viafiers privatas ein vegnidas incaricadas d'examinar tuts surpassadis e tenor situaziun d'eliminar tals, preveder surpassadis cun barrieras ni realisar autras mesiras sco p.ex. in sutpassadi. Da rodund 4848 surpassadis en Svizra ston rodund 1244 vegnir sanai. La respon - sabladad per la segirtad schai primarmein tier las viafiers. Quellas han tenor lescha federala era d'interprender tuttas mesiras per meglierar la segirtad. Las mesiras correspundentas ston esser realisadas sin la fin 2014. Il sulet surpassadi dalla Viafier retica sigl intschesch dalla vischnaunca da Mustér sesanfla a Chischliun. Quel correspunda buc allas pretensiuns da segirtad digl Uffeci federal da traffic. La distanza da vesta ei nunsufficienta e la cruschada fetg malsegira. Tier ina vesta da 50 m sa el mender cass seresultar in temps da reagir da sut quater secundas. Ord quels motivs ei ina sanaziun incontestabla ed urgenta. Il cussegl da vischnaunca beneventa la sligiazion suttamessa e conceda unanimamein sin proposta dalla suprastonza communal in credit da frs. 125 000.– per la realisaziun dil sutpassadi Chischliun-Scaletta.

Cusseglie Wendelin Jacomet ha inoltrau ina interpellaziun concernent la meglieraziun funsila.

Suprastonza communal

Invitaziun

ad ina sera d'orientaziun e discussiun

Cu: Gliendisdis, ils 8 da settember 2014 allas 20.15

Nua: halla Cons, Disentis/Mustér

Cuntegn

- Lescha davart la taxa da hosps e la taxa da turissem
- Project da recumpensa renaturalisaziun Fontanivas

Lescha davart la taxa da hosps e la taxa da turissem

La lescha actuala davart la taxa da cura e la taxa per promover il turissem datescha digl onn 1998. Sin fundament da quella lescha incassescha la vischnaunca ina taxa da cura ed ina taxa per promover il turissem.

Ina cumissiun predeliberonta ha elaborau ina lescha sco era in regulativ davart la taxa da hosps e la taxa da turissem. Sco basa ha la lescha da hosps e da turissem dallas vischnauncas da Flem/Laax/Falera surviu. La lescha preveda dapertut nua ch'igl ei pusseivel pauschalas per simplificar il rendaquen e cheutras cunzun promover hotels ed alloschaders professionals.

A vesta dalla gronda actualitad ed impurtonza per nosa destinaziun turistica vegn la populaziun informada.

Cordiala invitaziun a tuts interessai.

Suprastonza communal Disentis/Mustér

Il president: Francestg Cajacob

Il canzlist: Andri Hendry



Di dallas portas aviartas ella serenera a Raveras/Mustér

Sonda, ils 13 da settember 2014 ha liug il di dallas portas aviartas sigl areal dalla serenera a Raveras. Tuttas convischinas e tuts convischins che han interess ein cordialmein envidai da far ina viseta guidada atras il menaschi dalla serenera a Raveras.

Naven dalla 9.00 entochen las 12.00 dat ei mintgamai allas 9.00, 10.00 ed allas 11.00 ina guidada accompignada atras la serenera.

Als visitaders vegn purschii in mudest puschegn. Nus selegrein sin ina stedia participaziun ed engraziein per Vies interess.

Il team dalla serenera

Controlla da habitonts

Mortori

Maria Anna Barbara (Barbulina) Flury-Sonder, naschida ils 20 da fevrer 1928, morta ils 21 d'ost 2014.

Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 9 da settember 2014** naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan
Gion Michel Flepp, Marco e Romeo Schmed

Chor d'affons vischnaunca Sumvitg

Mira sut Sumvitg!

Forum cultural internaziunal Disentis/Mustér (FCIM)

Cun ina sera culturala ed in survetsch divin ecumen a Mustér-Caischavedra vegn nies project «Inscunter culla cultura africana 2013/14» termina.

Sonda, ils 6 da settember 2014

Sera culturala cun musica e ritmus dall'Africa allas 20.00 en halla Cons, Mustér. Producziuns: Gruppa africana Saf-Sap, Uniun da harmonicas Cadi, Chor ad hoc ed affons dalla Cadi.

Dumengia, ils 7 da settember 2014

Allas 10.30 ha liug a Caischavedra in survetsch divin ecumen tier il medem tema cun sur Georg Changeth, sur Ozioma Nwachukwu e ser Roland Just. La gruppa Saf-Sap vegn ad embellir quei survetsch divin cun contribuziuns musicalas. www.forum-disentis.ch

Mira inserat!



Gruppa da gymnastica senioras

Las vacanzas ein finidas. Nus entschevein cun nossa gymnastica ils **5 da settember 2014**, mintga venderdis allas 13.30–14.30 en halla Cons.

Cordialmein envidein nus nossas commembras. Tgi enonuscha buca nossa gruppa? Sche Ti has plascher dalla gymnastica, neu e fai ina viseta nunligionta tier nus. Sclariment per tel. 081 947 56 43, 081 947 53 32

Ad in bien e frestg seveser
Las menadras

Cuors BLS-AED

L' Uniun samaritana Mustér organisescha il cuors da reanimaziun BLS-AED (Reanimaziun cun applicaziun dil defibrilatur automatic)

Datum: Sonda, ils 13 da settember 2014

Temps: 8.30–11.30/13.30–16.30

Liug: Casa da scola Mustér

Annunzias: Ein da far entochen ils 3 da settember 2014 tier Yvonne Flepp, tel. 081 947 50 35, e-mail: yvonne.flepp@kns.ch

Preavis – 3. Zavrada da nuorsas

La 3. Zavrada da nuorsas ha liug, **sonda ils 27 da settember 2014 a Mustér/Salaplauna.**

La fiera da products da nuorsas ed auters products regiunals ha liug da 10.00–16.00. Annunzias per in stan da fiera saveis Vus far a info@agricultura ni telefon 081 936 48 00.

Nus fagein gia ussa in cordial beinvegni alla 3. Zavrada da nuorsas a Salaplauna.

Ils purs e las puras da l'alp Lumpeгна ed il Center sursilvan d'agricultura

Uniun da gymnastica da dunnas

Nus entschevin puspei cun la gymnastica, gievgia, ils 4 da september 2014**

- a) gruppa da gymnastica e gymnastica 50+: allas 20.00 en halla 1 e 2
- b) gruppa da bal da reit (Netzbball): allas 19.30 en halla 3

Nus selegrein sin stedia participaziun.

Frauenturnverein

Unsere Turnstunden beginnen wieder am Donnerstag, 4. September 2014 **

- a) Gruppe Gymnastik und Gymnastik 50+: um 20.00 Uhr in Halle 1 und 2
- b) Gruppe Netzbball: um 19.30 Uhr in Halle 3 Wir freuen uns auf zahlreiche motivierte Frauen.

** Bei schönem Wetter fahren wir nach Cumpadials und spielen auf dem Sandplatz Netzbball (Telefonkette folgt am Tag davor!)

*El num dalla suprastonza:
Helga Probst*



Mustér saulta ...

Tango, salsa, rock'n'roll

Cu? Mintga venderdis dallas 20.15–21.45
Nua? Aula, scola claustrala (ni Aua Viva/Raveras)

Entschatta? Ils 12 da settember 2014

Cuoz? Diesch ga ... Per tut tgi che ha plascher, vegn purschiu da cuntinuar il cuors!
Tgi? Annada 1999+ dus a dus (pusseivel era dus dalla medema schlatteina!

Annunzias: tochen ils 9-9-2014, 079 480 81 54, era sms ni j.berger@gymnasium-kloster-disentis.ch, ni movis@bluewin.ch

Sin buna participaziun selegran
ils Movis e menader

Preavis fiera da resti d'affons a Mustér

Venderdis, ils 26-9-2014 allas 19.00–21.00.

Sonda, ils 27-9-2014 allas 9.00–10.30.

Ulteriuras informaziuns suondan.
Mummas cun affons pigns

Uniun samaritana Mustér

Nies proxim exercezi meinsil ha liug **gliendisdis, ils 8 da settember 2014**. Nus serimnein allas 19.30 alla staziun Acla da Fontauna MGB.

Trer en resti cauld cun quei ch'ils posts han liug giuado.

A stedia participaziun envida
la presidenta

Uniun da dunnas Mustér

Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mes-jamna ils 29 d'uost 2014, dallas 15.00–16.30** per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, Tel. 081 947 61 94 bugen a disposiziun.

Mummas cun affons pigns Mustér